ЎЗБЕКИСТОН РЕСПУБЛИКАСИ НОМИДАН ХАЛ КИЛУВ КАРОРИ

Хўжаобод тумани

2024 йил 12 март

Судья: И.Х.Жураев

Хўжаобод туманлараро иктисодий суди, судья И.Х.Жураев раислигида, судья ёрдамчиси А.Т.Аликуловнинг котиблигида, Булокбоши туман прокуратурасининг даъвогар — "Хўжаобод Файз-М" масъулияти чекланган жамияти манфаатида жавобгар — "Хасанов Икром Казакович" фермер хўжалиги хисобидан 74 060 386 сўм асосий қарз ундириш тўгрисидаги даъво аризаси бўйича Хўжаобод туман ёрдамчиси Ш.Мухаммаджонов, даъвогар вакили У.Кўмаев(ишончнома асосида) иштирокида Хўжаобод туманлараро иктисодий суди биносида ўтказилган очик суд мажлисида кўриб чикиб, суд куйидагиларни

АНИКЛАДИ:

Хўжаобод туман прокуратураси даъвогар — "Хўжаобод Файз-М" масъулияти чекланган жамияти манфаатида судга даъво ариза билан мурожаат қилиб, жавобгар — "Хасанов Икром Казакович" фермер хўжалиги хисобидан 74 060 386 сўм асосий қарзни ундиришни сўраган.

Суд мажлисида туман прокурори ёрдамчиси жавобгар шартнома бўйича мажбуриятларини лозим даражада бажармаганлиги сабабли даъвони тўлик қаноатлантириш ҳақида фикр билдирди.

Суд мажлисида даъвогар вакили даъвони қаноатлантириб беришни сўради.

Жавобгар суд мажлисининг вақти ва жойи тўғрисида хабардор қилинган бўлса-да, суд мажлисида иштирок этмади.

Мазкур холатда суд ишни Ўзбекистон Республикаси Иқтисодий процессуал кодексининг 170-моддаси учинчи қисмига асосан жавобгар иштирокисиз, ишдаги мавжуд хужжатлар асосида кўриб чикишни лозим топди.

Суд, прокурор фикрини, тараф вакилининг кўрсатмаларини, ишдаги мавжуд хамда такдим этилган хужжатларни ўрганиб чикиб, куйидагиларга кўра даъвони каноатлантиришни лозим топади.

Зеро, Ўзбекистон Республикаси Фукаролик кодексининг (кейинги ўринларда матнда "ФК" деб юритилади) 8 ва 24-моддаларига кўра мажбуриятлар шартномадан, зиён етказиш натижасида ҳамда ушбу Кодексда кўрсатилган бошқа асослардан келиб чиқади.

Ишдаги мавжуд хужжатлардан аникланишича, даъвогар - "Хўжаобод Файз-М" масъулияти чекланган жамияти (бундан буён матнда "Даъвогар" деб юритилади) ва жавобгар - "Хасанов Икром Казакович" фермер хўжалиги (бундан буён матнда "Жавобгар" деб юритилади) ўртасида 2023 йил 10 январда пахта хом ашёси ва уруғлик харид қилиш бўйича шартнома тузилган.

Шартноманинг 1.1-бандида жавобгар 12,6 гектар ер майдонидан 42,3 тонна пахта хом ашёсини етказиб беришни ўз зиммасига олган.

Тарафлар ўртасида 2023 йил 25 декабрь кунги ўзаро таққослаш далолатномасига асосан даъвогар 2023 йил пахта хосилини етиштириш харажатлари учун жами 182 893 813 сўмлик бўнак пули, уруғлик, минерал ўғитлар, техника хизмати тўлаб берилган, етказиб берилган ва хизматлар кўрсатилган.

Жавобгар эса 2023 йил хосили учун 1584 кг 1 нав 1 синф, 2619 кг 1 нав 2 синф, 12403 кг 2 нав 1 синф, жами 16606 кг 107 319 454 сўмлик пахта хом ашёсини икки томонлама электрон тартибда имзоланган хисоб-варақ фактурага асосан етказиб берган.

Бундан кўринадики, жавобгар шартнома бўйича 42300 кг пахта хом ашёсини етказиб бериши лозим бўлса-да, бирок жавобгар 16606 кг пахта хом ашёси етказиб бериб, 25694 кг пахта хом ашёсини кам топширгани холда, шартноманинг 1,1-бандида белгиланган мажбуриятларини бажармаганлиги натижасида 75 574 359 сўм $(182\ 893\ 813\ cўм-107\ 319\ 454\ cўм)$ қарздорлик вужудга келган.

Булоқбоши туман прокуратураси даъвогар манфаатини кўзлаб судга даъво ариза билан мурожаат қилиб, жавобгардан 74 060 386 сўм асосий қарзни ундиришни сўраган.

Мазкур ҳолатда тарафларнинг мажбуриятлари контрактация(фьючерс) шартномасидан келиб чиққан.

ФКнинг 466-моддасига кўра қишлоқ хўжалиги махсулотини етиштирувчи ўстирилган(ишлаб чиқарилган) қишлоқ хўжалиги махсулотини тайёрловчига контрактация шартномасида назарда тутилган микдор ва ассортиментда топшириши шарт.

Демак, жавобгарнинг даъвогар олдидаги 2023 йил пахта хосилидан бўлган қарздорлиги 75 574 359 сўмни ташкил этса-да, бирок даъвогар даъво аризасида 74 060 386 сўм ундиришни сўраган. Жавобгарнинг даъвогар олдидаги қарздорлиги тарафлар ўртасида тузилган солиштирма далолатнома билан ўз исботини топган.

Мазкур холатда даъвогарнинг даъво талабини қаноатлантириш лозим бўлади.

Суд ишни кўриб чикиш билан боғлик суд харажатларини ундириш масаласини ўрганиб чикиб, даъво талаби каноатлантирилганлигини инобатга олиб, ишни кўриб чикиш билан боғлик суд харажатларини жавобгардан ундиришни лозим топади.

"Давлат божи тўгрисида" ги Ўзбекистон Республикаси Қонунининг иловаси, 2-банди, а)-кичик бандига мувофик, иктисодий судларга бериладиган мулкий хусусиятга эга даъво аризаларидан даъво бахосининг 2 фоизи микдорида давлат божи ундирилиши белгиланган.

Ўзбекистон Республикаси Иқтисодий процессуал кодексининг 118-моддаси биринчи қисмига кўра суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилади.

Суд, юқорида қайд этилган ҳолатлардан келиб чиқиб, даъвогарнинг даъво талабини қаноатлантиришни, жавобгар - "Хасанов Икром Казакович" фермер хўжалиги ҳисобидан даъвогар — "Хўжаобод Файз-М" масъулияти чекланган жамияти фойдасига 74 060 386 сўм асосий қарз, 34000 сўм почта харажати, республика бюджетига 1 481 207,72 сўм давлат божи ундиришни лозим топади.

Бинобарин суд, Ўзбекистон Республикаси Фукаролик кодексининг 8, 234, 466-моддаларига асосланиб, Ўзбекистон Республикаси Иктисодий процессуал кодексининг 118, 170, 176-180, 186-моддаларини кўллаб,

КАРОР КИЛДИ:

даъвогарнинг даъво талаби қаноатлантирилсин.

Жавобгар - "Хасанов Икром Казакович" фермер хўжалиги хисобидан:

Даъвогар - "Хўжаобод Файз-М" масъулияти чекланган жамияти фойдасига 74 060 386 сўм асосий қарз, 34000 сўм почта харажати ундирилсин.

Жавобгар - "Хасанов Икром Казакович" фермер хўжалиги хисобидан: бюджетига 1 481 207,72 сўм давлат божи ундирилсин.

Хал қилув қарори қонуний кучга киргач, ижро варақалари берилсин.

Мазкур ҳал ҳилув ҳароридан норози тараф у ҳабул ҳилинган ҡундан бошлаб бир ойлик муддат ичида шу суд орҳали Андижон вилоят судига апелляция тартибида шикоят ҳилиши мумкин.

Раислик этувчи, судья

И.Х.Жураев

